

福建河渠書卷二

興化府

莆田縣

大橋河新橋河 閩書云皆城中河也

龍鬚河 閩書云晉時子河也

小西湖 閩書云本城北舊壕界梅峯烏石間有源出北澗繇西迤東洪武初闢城壕塞成化初岳文肅爲郡疏以爲湖道光志云由西水門入郡守岳正疏之築石堰三

延壽溪 輿地紀勝云在縣北七里八閩志云在府城北常泰里源接漁滄溪流至延壽村爲陂分流新港蘆浦端平三斗門入于海閩書云自游洋發源逕莆田瀦延壽東入海十里澄湛一名緩溪以其水綠如緩道光志云源接仙遊九鯉湖入治西境曰莒溪東流合南菽蘆溪又東流入町

八閩志 賦陂又東滙爲漁滄溪  
福建河渠書 莆田

莒溪 八閩志云發源自游洋蔡溪歷九鯉湖流會菽蘆溪以達延壽溪

南菽蘆溪 八閩志云在府城東北待賓里發源自游洋溪流經町畝陂五里至妙寂橋又五里爲漁滄溪閩書云合桃源白石諸水同歸迎仙港入海一自興教里堰爲太和陂過漏頭達龍港入海一自常泰里分入可畝卽上陂爲漁滄溪

漁滄溪 八閩志云南流入八瀨溪會于延壽溪在府城西北常泰里道光志云在治西北二十里

又南流十里合八瀨溪又南流爲延壽溪是爲北洋延壽陂

八瀨溪 八閩志作八瀨龍潭云在府城北常泰里或名鼈瀨按舊志郡北十里地名善溪有大惡潭在峻峯之間或見黑白二龍戲于水以地勢考之疑卽此潭閩書云在縣西北十里亦曰碧瀨

支流爲長生港兒戲浦其委分流新港蘆浦陳壩端明四斗門惟蘆浦斗



門入白湖港其三斗門竝入涵頭港而新港有北菽蘆支流來注木蘭溪亦有支流由萬金斗門來注又有上溪合木蘭支流同匯涵頭港總諸斗門水至三江口遂與白湖港迎仙港合至東角遮浪逕黃竿入於海

長生港 道光志云一名使華陂

兒戲浦 道光志云在杜塘口

上溪 八閩志云在府城西南常泰里源自林葬坑而下流五里至南門第二橋與北港水合閩書云卽北磨溪南流至第二橋與木蘭溪水合

木蘭溪 輿地紀勝云在縣南五里閩書云木蘭山下有木蘭溪接瀨溪水入木蘭陂赴海陂李長者宏所築也道光志云源接仙遊仙溪於治西界之花亭名瀨溪右合白沙溪匯於九龍潭又有上溪注之東南流至木蘭山下堰而爲陂是爲南洋

瀨溪 八閩志云在府城西南文賦里其源自德化永春仙遊三邑而

福建河渠書 莆田

二

下合淵谷之水三百有六十流至木蘭陂

白沙溪 閩書云發源鐵嶺白雲鼓角諸山至鼓山西合流縈紆北行與大溪合

九龍潭 道光志云在新興里九龍山下

木蘭陂下爲海港上爲溪流水漲漫陂而過仍由白湖達海水落由陂右廻瀾橋循大溝經橫山至溝口過荷包瀨寶勝溪注之

寶勝溪 閩書云發源寶勝山合楊園山流水北流與大溪合

至渠頭橋下分二支一北行歷新度合維新里水至洋城斗門入白浦港又北至清浦諸村匯爲清江潭

清江潭 道光志云在治南莆田里有三大潭曰杜家潭清浦宮前潭上廓周家潭

一南行環壺公山至橫塘新塘合梁溪過黃石諸村合城山諸坑水至東華前合清浦水同出林墩斗門入白湖港



梁溪 閩書云在壺公山下靈雲巖諸水注此循山北流至新塘與溝水合

白湖港 閩書云一名玉湖海自上黃竿入三江口歷寧海至此

其支流東南行滙五馬五侯天馬諸坑水國清塘亦滙焉至東山斗門入白湖港又元延祐時於陂左近開萬金斗門繞治南過東關與延壽水合南北洋相通在此於是白湖港總受諸斗門委至涵頭鎮會涵頭港所滙延壽溪迎仙港所滙北萩蘆溪水爲三江口合流至東角遮浪逕黃竿入海

國清塘 道光志云在國清里

北萩蘆溪在治東北四十五里入閩志云在澳溪下流至萩蘆陂歧而爲二左行者歷萬安溪迎仙橋會蒜溪之水以達江口右行者過漏頭以達新港各入于海道光志云發源廣業里石所峯曰湘溪流數里至東鎮曰碧溪有鳳搏溪合滿長水湘蘭院埔水吉宦溪來會其下爲蘇溪有杉溪合岐山溪大松溪西赤溪入焉

福建河渠書莆田

三

湘溪 入閩志云亦名上溪源出石竹峯南注漲洋達于萩蘆陂閩書云儲爲龜潭注張洋逾碣石

碧溪 入閩志云在湘溪下流十里許在廣業里閩書云接湘溪水上有仙人巖道光志云在宋洋村案入閩志另出碧溪與閩書碧溪下同碧字恐涉碧字而誤複

鳳搏溪 入閩志云源出羨山並山東注細流交集歷溪尾過白虹折而南流六十里入碧溪閩書云在故縣西發源自蒼山道光志云在廣業里發源鳳搏嶺

滿長水 道光志云發源本村

吉宦溪 入閩志云在馬長溪下流源自黃渡南流過百浚與碧溪水會于東鎮閩書云自黃渡疏爲黃滌溪道光志作永福鳳滌溪逾鳳搏嶺南始爲吉宦溪

蘇溪 入閩志作洙溪云一名蘇溪在碧溪湖合流之下五里有蘇陂



舊經云大溪之中有溫泉數眼道光志云卽碧溪下流

杉溪

入閩志云源出長壽峰下接大松瓢湖水

閩書作藻湖溪云在故縣東南水接大松

溪過馬洋合洙

閩書云杉古作粘卽音杉在故縣西北

岐山溪

道光志云發源本山卽蔣山

大松溪

入閩志云源出大松嶺下接瓢湖水

西赤溪

道光志云發源永福旗山由赤石至赤口下流爲藻湖又爲

霞溪注杉溪

又南行過馬洋至冲裏有澳溪合魯頭洋入畝嶺水入焉其下爲洙溪乃  
匯爲北菽蘆溪而陂之是爲北洋太平陂環崇聖山分二支一支繞山趾  
由楓嶺歷泗洲過太平洋之南埔達吳塘溝一支循小澗經圭田陂亦入  
吳塘通延壽之新港其正流由崇聖山合諸水爲迎仙溪又堰爲南安陂  
遏支流入圳曰九鯉洋沿海各爲小斗門入海其正流合蒜溪抵迎仙港  
至三江口由東角遮浪逕黃竿入於海

福建河渠書

莆田

四

澳溪

入閩志云蓋蘇溪吉宦溪搏溪合流處也閩書云在故縣西發

源澳頭山下出洙溪逾菽蘆朝宗于海道光志云源出仙遊上宮山

洙溪

道光志云卽蘇溪下流

迎仙溪

入閩志云源自北菽蘆溪合桃源白石水又東流會迎仙港

入于海

蒜溪

入閩志云源出興化

閩書作福清

縣黃跡山遶蒜嶺歷五峯陂駟馬

橋南合迎仙溪

百丈溪

寰宇記云去縣

指興化縣

七十里有山崑百丈水流入福州福清縣

入閩通志云在崑山溪下流源出兜率山下爲福清界閩書云經報親橋

又一支出瑯峯入福清界爲催洋溪

澄溪

閩書云木蘭之水從古善涵出繞其鄉溉田千餘畝

賢良港

閩書云在莆禧千戶所有山橫互港上如象形本黃螺港

章魚港

閩書云以形似名



東華溪 閩書云在連江里唐有梅妃者是里人也

涵江 閩書云宋國子祭酒劉政家其上濬水心河爲民溉田

寧海 閩書云有支海自下黃竿入兩涯宏濶北涯舊有寧海鎮前有渡

江口 閩書云有支海自碧頭入與北山溪諸溪會江面最濶有盤石突

起如平地人家集焉有江口橋官道出焉橋南屬莆田北屬福清

### 仙遊縣

仙溪 八閩志云在縣南永興里合縣西衆水流入莆田縣界閩書云縣前大溪一名南溪又名藍溪橫界縣中首起西北受永春德化諸水東過青龍橋厯石馬俞潭出瀨溪入海道光志云在城南迎薰門外源發德化石壺山縈迴數十里流入縣西境曰大目溪有奈溪曲觜溪蜚鳥溪皆來會

大目溪 八閩志云在萬善里其源有三一出九座巖一出奈溪一出石獅嶺東流與衆水合閩書云在縣西四十里舊有神僧大目居之

福建河渠書 莆田 仙遊

五

奈溪 八閩志云在縣北源出永春縣流入大目溪溪旁有奈姓者居之郡志云其溪屈曲狀似盤蛇因號蛇灣溪非也

曲觜溪 道光志云源出縣西九座山

蜚鳥溪 輿地紀勝云在縣西北十五里八閩志云源出德化縣流入

大目溪其溪水淺沙平羣鳥翔集

東南流右合中岳溪又東南至石壁潭左合鹿鳴橋溪過歸仙嶺在治西二十里爲文殊溪卽仙溪之隨地異名右合古瀨溪經善化里左合大濟溪曰三會溪

中岳溪 閩書云發源梁山之陰逕大圳溪東流六里與會仙溪合

鹿鳴橋溪 道光志云在治西一名石壁橋溪

古瀨溪 道光志云源出縣西白隔嶺

大濟溪 八閩志云源出九座飛坵合衆流由耶湖過石峽爲飛鳥溪

又三里爲龜峰潭閩書云在縣西十里

三會溪 八閩志云其源有二一出白隔嶺東過古瀨溪一出金華嶺



厯東山溪大目溪石碧潭與古瀨溪會

又東流逕孝仁里至大坂蔣溪可溪周溪入焉

蔣溪 八閩志云在龍華寺前源出金沙其沙如金故名又云安吉溪源出九座山之龍湫流四十里爲碧溪又五里爲清光潭又五里爲龍擊溪流入蔣溪閩書云蔣氏居之

可溪 八閩志云源出香山潘巖並會仙橋閩書云在縣南

周溪 八閩志云東繞龍井下接仙溪閩書云在縣南十里抵縣南繞而東坤溪雙坑溪西林溪入焉

坤溪 輿地紀勝云在縣治東南八閩志云在縣東永興里其源有二一出皂洋坤村之鷺峰一出白石山流會於楓亭溪閩書云一自鷺峰崇福院坑出合湖嶺下水與周澤溪東溪會于石碑新橋一自白石山北流過拱橋東合建安橋出坤口入青龍橋會于楓亭溪

雙坑溪 道光志云在縣東三里發源本坑經雙坑橋

福建河渠書 仙遊

六

西林溪 道光志云在縣東二十里導源九座山龍湫至縣東十五里爲安吉溪

經沮下左合崑溪匯爲柳尾潭過俞潭東流合浯溪又東接莆田西南境爲瀨溪下流爲木蘭溪入海

崑溪 八閩志云在安賢里源出安吉溪東流至仙水橋而南出崑崙山前案閩書作昆溪云在縣東十五里出仙水橋南而爲西林溪以入大溪又云卽坤溪誤

楓亭溪 八閩志云在縣東連江里其源有二一出皂洋

在縣南靈感寺前

合吳

坑水而下一出新嶺東流至沙溪與衆水合從雙溪口而出至太平港以達于海閩書云在縣東南四十五里道光志云由上洪下洪而東爲九龍溪合赤湖焦溪又東至雙溪口與沙溪會

吳坑水 八閩志云在永興里

赤湖 八閩志云在縣南連江里楓亭市之西舊經云周環五里土色



皆紫其下爲焦坑地形如豹隱眠故又號豹眠

焦溪 道光志云源出盤龍山

沙溪 八閩志云在縣東南溪之旁人煙稠密號沙溪市

雙溪 八閩志云亦名滄溪山水環抱溪之上林氏世居焉

又東新溪入焉又東清澤溪合二源入焉又出楓亭市北至太平港入於海

新溪 閩書云在縣南自阮莊直抵雙溪首尾二十餘里積石阨塞明成化中舉人阮韜募鑿以便人

清澤溪 閩書云一自鍾潭龍潭流至北坑口與北坑水會繞牛山之陰一自鐵鼎岡發源繞牛山之陽

太平港 道光志云在縣東南四十五里凡吉了小嶼莆禧平海商販之船咸集於此又云海在莆田治東南八十里南一支由吉了入西至縣境分爲二入楓亭曰太平港入雙溪曰雙溪港

福建河渠書 仙遊

七

游洋溪 寰宇記云從縣前流西入永泰縣舊鎮因此爲名輿地紀勝云在興化縣前一里二十步入閩志云在縣東北興泰里源出上院山與郭洋石馬二溪合歷洙溪與尋陽溪會爲虺潭又與小姑水會達于龜嶺溪逾永福大樟入海道光志云郭洋溪合興角溪來會又北納白浮溪

郭洋溪 八閩志云源出雲頂峰閩書云在故縣西北

石馬溪 八閩志云源出銀巖山閩書云在故縣北

興角溪 八閩志云源出東山下接郭洋溪道光志云在東北六十五里

尋陽溪 八閩志云源出蕨陽嶺經亮峰與衆水會歷鳳陽溪洙溪道光志云經圓峯匯爲鳳陽溪沿山而爲洙溪爲虺溪

小姑水 八閩志云源出永福縣白寶山閩書云沿姑溪北縈上姑會于龜嶺

白浮溪 八閩志云源出屏山閩書白浮作白洋屏山作石屏山



龜嶺溪 道光志云卽游洋溪隨地異名

三坑橋溪 八閩志云在常德里源出富洋山東由瀑布山龍潭水磨坑而來

九溪 八閩志云溪流凡九曲故名在養志里閩書云在縣南十里弘治志作九重溪水繞香山九曲北通仙溪

神堂溪 八閩志云源出富洋山閩書云在縣西七里

九鯉湖在縣東北興泰里漢何氏兄弟九人煉丹於此丹成各乘一鯉仙去故名湖上有九仙宮宮前左右兩山蟠踞環抱其中一水沿石澗由宮之左而下匯於湖澄泓渟蓄深不可測前復通一澗兩壁夾聳石底平遠湖上下凡九滌春水時至洶湧激烈其聲如雷流下石壁噴爲眞珠簾再折而下散爲烟霧其下卽萬仞之壑爲魚龍蛟螭之所窟宅西山有瀑布懸崖數百尺下與滌水合奔流數里爲菖溪宮之前有大石平曠下瞰於湖石上有穴如烟突其中水深亦不可測蓋下通於湖也湖之左右及滌福建河渠書 仙遊

八

之上水落石出其右有穴小者如盤大者如臼又其大者如鼎鑊不可以數計每一穴則兩竅並立其中各相關通又於衆竅中迂回虬曲泉脉亦相流屬雖不雨水亦不涸閩書云在縣東北故興化縣西南去郡城七十里高陽扈後飛鳳峙前自永福萬山而下已百餘里雖有疇畝並在高原之上忽至此山石破天開懸崖無際數百里之水來入石竅石穴之中注爲石湖湖水日夜從高墜下巖石嶮巖龍湫水流噴激洞心駭目春夏之際其觀尤偉九滌曰雷轟曰瀑布曰珠簾曰玉筍曰石門曰五星曰飛鳳曰棋盤曰將軍道光志云西山瀑布懸崖下注而蔡溪楊梅溪並滙焉奔流數里接莆田西境爲菖溪下流爲延壽溪入於海

雷轟潭 閩書云在湖東水自何巖下注爲潭滌右有石名蓬湖東畔有龍擦石復呼龍鼻石兩旁俱有巨石其東有石如砥水漫石上下于雷轟石東爲黃雞灘亂石縱橫水白石罅中出雷轟之亞也去黃雞灘十步許有茶潭一名藥潭湖西則有古梅洞



瀑布深 閩書云在雷轟西相距五十步遵龍擦石而下如澡練

珠簾深 閩書云自瀑布濚洄而下約五百步兩石峽夾出一崖懸可

千仞泉噴飛如散珠稍下如縷如綴餘霏四散激爲煙霧

玉筍深 閩書云水自湖外盤龍山灌頂岐流循崖而下如飄玉堆埼

礫何息趾無地里許乃有石如砥可坐數百人盤龍山石當其前崔嵬

萬仞

石門深 閩書云湖之第五深也深至是返望雷轟如扞天門深石參

差獨二石谿衍疏豁亭亭而上故名石門

五星深 閩書云距石門二里許須褰裳過深左從鳥道偃僂進深中

石不乏獨錯落如星者五

飛鳳深 閩書云以飛鳳山名其高百仞深水縈回飛鳥不至下有石

名觀音龕其前爲潭水

棋盤深 閩書云距飛鳳里許深中卽一石方廣數丈宛棋盤也

福建河渠書 仙遊

九

將軍深 閩書云深窮矣有兩石當關如將軍然此深去湖二十里亂

石擁塞崖谷相懸窮日之力乃可一至然不能從故道返從莒溪出矣

蔡溪 道光志云發源蔡溪巖有瀑布龍潭滙爲溪瀦於湖

楊梅溪 道光志云發源溫山合大陂溪火洋溪同滙大陂溪發源石

所山火洋溪發源銀頂峯注楊梅溪

明王世懋九鯉湖記畧云閩山奇勝者無如九鯉湖余參閩政守莆乃

延山人黃全之出莆西門北行已折而西入山霧濛九華嵐嶽出沒長

松夾道行三十餘里聞澗聲甚厲見怪石林立一佳境也已乃涉澗望

雲際高山當懸絙而登昇夫喘吁相屬十里而至頂頂以西萬山綿亘

下臨不測如是者又十里而近湖碧水湯湯初不知爲九深上流也橋

曰鯉湖度橋而登一嶺可半里許盡嶺而深見聲始喧目不暇接數十

里至水晶宮則湖當其前水晶宮者九仙所宅也出就湖前小亭亭之

西石壁巔巖佳植籠映勒天下太平四字甚偉宋人陳讜筆也壁下一



巨石如鼓屹立湖旁一人撼之輒動又一小石曰元珠湖水溢則輿相浮左折而北得古梅洞入焉洞故有梅今無存矣洞之右地稍斥而九仙閣峙焉前植老梅登閣望湖水如玉雪可浪橐中偶携吳中天池茗命汲水烹之色味俱絕山人云此去而南爲瀑布泉爲龍擦石山之第二漈可席而遊也遂循洞出不數武而至其地北對水晶宮水從湖中穿龍擦石下瀉長如匹練故以瀑布名龍擦石者文縱橫若鱗曰晃之光來射人怒流爭汎聲若雷霆又如數部鼓吹山人又盛言珠簾玉筍之勝從此而下徑益欹以兩人掖行幾五百步而至是爲第三漈其右一石峭成數十仞水從上垂垂挂數十行綴若流蘇晶若聯珠是名珠簾山人所誇最勝處也余獨喜水激濤湧噴薄飄空細者如煙如霧粗亦如霰如雪粉珠屑玉簾外都無勾水誰謂南中不雪耶予意猶銳觀第四漈問可更前乎山人曰往吾縋而下者數十丈捫葛行數里乃得窮玉筍之勝玉筍水自盤龍山來與漈台勝不能過珠簾似不必往乃

選石箕踞布席飲於時微日射水閃忽作五色光對視鳳臺岡其上灌木萬章其下鐵色萬仞仰望湖瀑俱不可見但覩銀濤澎湃皆從樹杪下令人毛骨清徹坐去泉不遠而飛灑霖霖若來沾拂巾舄起睨路旁一石高丈許中爲半瓢若洗若削山人鼓勇而登余與王生繼之政得坐三人中施榼焉前望飛鳳盤龍兩山愈親遠水蜿蜒上映石壁又一奇觀也匡坐且談曰且晡乃徐步而過立水晶宮亭前四顧皆穹山欄木中闢爲湖下無片土出亭而東爲蓬萊石屹立雷轟漈之右旁施小閣步閣而南巨石數十丈偃卧漈中時已薄晚晨起山人謂石梁可游因與偕行先是所謂丹竈無慮百餘處蓋石嵌空似之耳水漫流其上色加澄而垂綆有數十丈或云與下四漈通及抵石梁廣可六尺修倍之四旁若斷上下如砥左顧則雷轟漈建瓴而下右眎則湖流下墜如弱水干時陰霧霏霏別爲空濛景乃擘脯浮白以禦嵐氣不覺陶然將別山靈復舉數酌與山人長揖而別行二里許飛鳳山更出吾南復停



輿睇視久之乃去竊謂茲山故饒奇石乃湖水從永福萬山中來歷數十百里而九漈之石適與遇合益爲奇麗快心醒目匡廬雁蕩外不多見也



福建河渠書卷三

泉州府

晉江縣

洛陽江 八閩志云源出惠安縣界唐宣宗嘗微行覽山水勝槩有類吾洛陽之語因名閩書云在晉江縣北納本邑東北與惠安西北之水東入于海蓋晉惠之界江也其在晉江注于康溪達于濠市至于留公陂斗門又別流爲長溪又別流合于惠安沙溪諸水俱至于留公陂斗門出此江而東入海淳祐郡志引沈存中筆談云舊號洛洋九域志作樂洋江後又以洛陽名之

康溪 閩書云自北髻山與乾元院山二水合流至林田橋過龍濟永安二橋注于是溪至康溪橋石獅山白水巖香嶺山三水與施陂之水皆來會

濠市溪 閩書云受康溪之水道光志云納康溪施陂諸水

福建河渠書 晉江

長溪 閩書云大帽諸山凡九水合注達于留公陂道光志云納大帽

白洋白石坑九山諸水

九山曰灣丘花山玉葉筆架建興玉錦護菴小鳩大鳩五洋

沙溪 方輿紀要云受覆船山等八水俱至留公陂

晉江 實字記云在州南一里自南安縣來流五十里入海八閩志云在府城南登瀛里三十五都其水入于海晉南渡衣冠士族避地者多泊江以居故名閩書云納本邑西北與南安永春安溪之水以入于海南安之水曰金溪永春之水曰桃溪安溪之水曰藍溪桃藍二溪會于南安雙溪歷金溪黃龍二溪東逕于筍江又東逕于浯江又東逕于溜石江又東逕于法石石頭聖姑達于岱巔入于海道道光志云其下流爲筍江浯江溜石江蚶江隨地異名其實止一江也永春桃溪合小姑溪於便口南流至白葉渡府治西北之凌斜溪合花山飲坑水來會及南安金溪出金雞渡府治北之韓陂合石壁陂大房陂觀音陂來會

凌斜溪 閩書云會花山飲坑之水西流五里至南安瀾埕渡與南安



永春安溪之水會而東達晉江

金溪 閩書云在香爐山下

韓陂 道光志云首接大埔陂水至南安牛角潭出金雞橋入黃龍江

石壁陂 道光志云自花溪林來

大房陂 道光志云自國覺溪來

觀音陂 道光志云自建興山來三陂並在西北合流並大埔陂注於

韓陂

入府治西境黃龍江東流至臨漳門外爲筍江又東流至德濟門外爲浯江其支流爲天水淮

筍江 閩書云在石塔山下方輿紀要云江岸有石高二丈許如筍

浯江 閩書云在筍江下流道光志云岸有浯浦

天水淮 道光志云在治東南唐太和三年刺史趙榮鑿渠作三十六

涵引浯江水溉民田方言謂圍爲淮取趙姓望名天水淮

福建河渠書 晉江

二

其經流至東山渡治南之龍首紫帽烏石諸山十六水注之

十六水 道光志云龍首山水在三十三都常泰里合歐嶺水凡二水

紫帽山水台左右二峰龜山三峰石塔山鼓雷山諸水凡八水烏石山

水合雙鳳牙南古圳翁山嚴山諸水凡六水統出下輦橋達東山渡以

注於江

而城內水東南出通淮門又合永靖烏洲三峯坑南峯院諸水來會東湖上下塘水亦從龍鬚郊水二涵來會

發源治北清源山諸坑

東湖 閩書云在城東一里許郡境諸湖此爲大唐時湖面可四十頃

其後菱葑壅塞宋慶元守劉穎濬之積土湖中爲四山置斗門於西南

隅淳祐三年守顏頤仲復濬之又積土湖中爲三山以故郡人名湖曰

七星湖後以萬媼現靈於此名萬婆湖媼故居東湖之上生能爲人療

病黃巢寇閩媼現靈告巢曰泉未可犯也巢衆駭遁泉人祀之

又東流至溜石江有錢塘溪葛洲溪甕竈溪所匯諸水由溜石六斗門入



焉

溜石江 閩書云水自東流逆而北環城東南復東行有行舟之險

錢塘溪 閩書云滙仙塘蘇陂吳陂桃陂相字陂官陂六水合爲陂頭自陂頭合流爲吟嘯浦以入於煙浦埭

葛洲溪 閩書云自南安洪嶺湖洋五峯諸山爲九溪合于礮溪梅花溪以及諸山畔大小溪澗凡有九十九俱會于清洋陂分經大橋及潘湖小橋至黃江復會于吟嘯浦東北歷結軹橋滙浦埭出溜石六斗門入于晉江道光志云洪嶺溪鵬溪五峯水入之

鰲竈道光志作澳溪 閩書云自南安蟬眼坑之水迤東達九溪至是溪經

吟嘯橋入煙浦埭道光志云有榮第山蟬坑山水入之

又東南至法石又東爲蚶江達於岱與入於海

蚶江 閩書云在溜石江下地饒魚鹽而苦卑濕

植壁即石壁港 閩書云滙橫山以南諸澗之入于海者道光志云在石獅

福建河渠書 晉江 南安

三

南凡橫山以南龍湖虺湖俱會此入于海

陳坑港 閩書云沿植壁而南滙井尾埭烽火埭西湖諸水之趨于海者道光志云在植壁港南凡蘆舍灣埭邊潘逕諸港各以大小納流及井尾烽火朱埭東灣石湖南潯諸水俱經此入海

安海港 道光志云在治西南自南安九溪入境合靈源山西南諸澗水入于海

### 南安縣

雙溪 閩書云自永春安溪二縣分派而來故名自永春來者出于東關合諸水之流經於便口渡又合諸水之流至于鄭山又合諸水之流至于黃瀨又合諸水之流至于白蚌渡灣下渡白葉渡又合諸水之流至于澗埕渡自安溪來者接于羅渡合諸水之流會于烏淹達于角水又合諸水之流至于莊水又合諸水之流至于羅水渡又合諸水之流至于龍光遂合流爲雙溪矣道光志云自永春溪來者入縣北境於水江村接桃溪於



塔口村接小姑溪分流而合於便口至鄭山渡右納晉江大埔石溪二水至洪瀨渡右納瀘閩書作瀘溪洪瀨溪等五水折而西至白葉渡合晉江之凌斜溪達于雙溪口在縣西北二十里自安溪來者曰藍溪入縣西境於羅渡東左納四水至翁山下翁溪口又納英溪歸溪等三水厯烏掩渡一名珠淵渡國水渡至龍光渡抵雙溪口與永春溪合流為金溪

案南安經流八閩志方輿紀要統雙溪於黃龍溪道光志統雙溪黃龍溪於金溪皆未當也金溪接雙溪黃龍溪接金溪皆其流甚短不足為經流雙溪雖長所受支流不少然上流兩派下流只一派亦不能以兩派者統一派而稱為雙溪不如分三溪層遞敘列之

蘆溪 閩書云溪有橋廢

洪瀨溪 閩書云水自小蘆溪出路通永德魚腊成市以資永德人方輿紀要云在縣北下流入於雙溪

龍光渡 道光志云在縣西北二十里

福建河渠書 南安

四

案雙溪所納之水凡七十餘舊志不著溪名大抵皆山澗小流也

金溪 八閩志云在縣西一都閩書云在金雞山下水自雙溪出者經楊客河過金溪橋轉而東下焉道光志云在縣治南導源二派抵雙溪口合流為金溪有嚴浦水來會在治西三都遠治南為黃龍江

黃龍溪 八閩志云在縣南半里許源出永春安溪二縣界合而為一自是漸大南流經金溪橋入晉江縣界閩書云黃龍有二其一出歸化里西平五峯二山閒石峽夾峙飛流下注水湛而深里人指為海眼時有龍見其一溪中有黃石狀如蝦蟇岸上黃龍鄉樹荔甚盛方輿紀要云自永春安溪二縣匯諸溪之水一東南流一東流同達縣西雙流口並流而東至九日山下為金溪又東遶縣治南為黃龍江遠近諸水皆流合焉折而南匯為晉江即晉江上源

九溪 八閩志云在縣西南三十七都源出柏峯山逶迤而東分為九派匯龍潭經通濟橋大盈橋達安海鎮在晉江過安平橋入海方輿紀要云在



縣西南二十五里道光志云又有榮第山水蠓坑山水入晉江之藝澳溪洪嶺溪水鵬溪水五峯溪水入晉江之葛洲溪二溪合流於青洋陂由吟嘯浦入晉江

桃林溪 寰宇記云在縣西二十里自安溪縣界來灌田三百二十畝方輿紀要云自安溪縣流入界

壽溪 八閩志云在縣南四十都源出覆釜山縈紆二十餘里昔有王氏居其旁人多壽考故名

南安江 元和志云南安縣因南安江爲名案未知其處

### 惠安縣

洛陽江 方輿紀要云縣西三十里與晉江分界縣境山溪之水多滙流于此而入海亦曰洛陽港乾隆府廳州縣圖志云樂洋江一名洛陽江縣境南紀之水俱滙于此道光志云洛陽港在縣西南發源三髻山曰白巖溪南流爲沙溪有前郭溪澳溪來會三溪合流爲洛陽上源達晉江境以福建河渠書 南安 惠安

五

入于海

白巖溪 八閩志云在十四都其源有二一自三髻山後大山坑出一自柯嶺山出爲澳溪西過谷口橋達洛陽港閩書云源三

沙溪 閩書云出三髻山前

前郭溪 閩書云出胡坑

澳溪 閩書云出晉江柯嶺

驛坂溪 八閩志云發源禪靜寺後出驛坂橋在四都閩書云發源大帽東麓過驛坂橋至埔頭溪道光志云有菱溪合玉田溪來會又東南流至青龍橋有菱布溪合泗洲溪來會龍津溪亦合縣後溪下田坑溪南坑溪來會南坑溪又合洋坑溪同滙俱由青龍橋下注爲峯崎港入于海

菱溪 閩書云發源觀音山後懸鐘嶺折而東南流過菱溪橋至埔頭

玉田溪 八閩志云在十三都源出懸鐘嶺折而東流過菱溪橋

菱布溪 八閩志云源出柯溪嶺過居仁鋪前橋在三都閩書云發源



雲峰山東逕居仁鋪至前灣又一溪發源五峯巖逕泗洲橋亦至前灣與菱布會

龍津溪 閩書云發源東平山逕蓮華山下至龍津陂繞縣治前接山之陰達下謝溪入王孫走馬埭

縣後溪 入閩志云發源東平山出南嶺橋過走馬埭

下田坑溪 入閩志云源出山半坑過王孫埭在四都

南坑溪 入閩志云在縣西十六都發源馬隴坑過陳公橋會于林溪入添崎港閩書云源二一自縣西馬隴發源東流至周旁口過陳公橋一自寂光溪發源至下林溪合流至通濟橋北至進士橋又北至走馬埭入峰崎港

證果東溪 入閩志云發源定光寺過無量橋閩書云發源塗嶺北山谷間東南流過橫山橋至下盧橋道光志云有真如溪來會合流東至龍田又南至古田縣際頭橋入添崎港以入海

福建河渠書 惠安

六

真如溪 入閩志云一本作真女溪發源橫溪嶺歷塗嶺官橋會於柳青宮前過林田上二溪在十二都閩書云東南流過店尾橋滙為潭至下盧與證果東溪合

宣妙溪 閩書云發源城山北至下梁堰為埭東至柯埭橋又東至前澳溪道光志云有金山溪來會又東至東井埭為前林港入于海

金山溪 閩書云發源九峰山下循文筆東麓至金山宮又東北流至前澳與宣妙溪合

西充溪 入閩志云在十二都發源角山前過白水鋪橋入布埭庄埭以達于海閩書云源二一出小鼓溪一出小溪合流入傳埭案傳埭即布埭下曾溪 入閩志云在二十都其源有二一出上曾溪過上田小橋一出上范溪過上田大橋會于充溪口道光志云南流會黃坑合流為馬山埭入海

黃坑溪 入閩志云在十八都發源鶴嶺坑過九斗坵橋閩書云入馬